

**Aqqusinernik aqqissuussinernut pilersitsisarnernullu, ilisimalikkanik ataqatigiissaariitigaluni katersuivimmik, kommunillu susassa qarfirmi suliniutaannik ikorfartuisarfimmik aqqusineqarnikkut ingerlatsivimmik pilersitseqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartuni ilaasortaq Hermann Berthelsen, Siumut)

### **Akissuteqaat**

(Ineqarnermut Attaveqaqatigiinnermullu Naalackersuisoq)

### **Siullermeerneqarnera**

Aallarniutigalugu Naalackersuisut sinnerlugit aqqusinernik aqqissuussinernut pilersitsisarnernullu, ilisimalikkanik ataqatigiissaariitigaluni katersuivimmik, kommunillu susassa qarfirmi suliniutaannik ikorfartuisarfimmik aqqusineqarnikkut ingerlatsivimmik pilersitseqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut saqqummiunneqartoq pillugu qujavunga.

Suliani angisuuni kommunit aamma Naalackersuisut suleqatigiinnissaat pisariaqartoq pillugu Naalackersuisut siunnersuuteqartoq isumaqatigaat. Taamaattumik aamma assersuutigalugu Sisimiut aamma Kangerlussuup akornanni aqquserniornissaq pillugu Naalackersuisut aamma Qeqqata Kommuniata akornanni suleqatigiissitamik pilersitsisoqarsimavoq.

Namminersorlutik Oqartussani Naalackersuisoqarfiit arlallit suleqatigiissitamut ilanngussa qarput – tassalu Inuussutissarsiornermut Naalackersuisoqarfik, Ineqarnermut Attaveqaqatigiinnermullu Naalackersuisoqarfik aamma Aningaasaqarnermut Naalackersuisoqarfik suliamut ilanngussa qarput, kiisalu naalackersuisoqarfiit allat pisariaqartillugu suliatigut ilisimasat atorlugit ikiuussinnaallutik.

Kalaallit Nunaanni najugaqarfiit angisuut marluk akornanni aqquserniornissaq suliaassaavoq angisooq. Kalaallit Nunaanni aqquserniornit pisariupput akisullutillu.

Naalackersuisut Naalackersuisooqatigiinnissamut isumaqatigiissummi isumaqatigiissutigaat, inuussutissarsiornermik ineriartortitsinissamik pilersitsiniarluni najugaqarfiit akornanni aqquserniorsinnaaneq ammaanqassasoq.

Kangerlussuup Sisimiullu akornanni aqquserniornissamut atugassarititaasut Kalaallit Nunaanni najugaqarfinnut allanut sanilliullugu pitsaasuupput. Sorpassuit suliarineqarsinnaapput – aamma sumiiffinni pinngortitaq eqqarsaatigalugu unammillernartuni. Kisiannili puigussanngilarput, sanaartornermut aningaasaliissutit saniatigut aamma aqqusernit ingerlaavartumik aserfallatsaaliorneqarnissaannut, taamaalillunilu aqqusernit atorqe qarsinnaanissaannut immikkoortitsisussaagatta. Tassani pingaartumik ukiuunerani issinnerata aasaanerani kiannerata, kiisalu nittaallat aputillu aannerisa assigiinngissutaannit annertuunit unammilligassaqartinneqarpugut.

Sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisaanni nr. 16-imi, 17. november 2010-imeersumi § 6, imm. 3

naapertorlugu aqqusinernik ingerlatsineq, tassungalu ilanngullugu sanaartorneq aserfallatsaaliuinerlu kommunit akisussaaffigaat.

Tamanna tunngavigalugu aqqusinilerisunik pilersitsinissamik aalajangiisoqannginnerani aqqusinilerisut suliassaat pillugit kommunit oqaloqatigineqartariaqarput. Tassunga ilanngullugu assersuutigalugu kommunit aggornerisa iluanni avataannilu aqqusinernut tunngatillugu aalajangiisoqartartussaavoq.

2018-imut Naalagaaffiup ataatsimoortumik tapiissutai pillugit isumaqatigiissuteqarnerup kingunerisaanik Namminersorlutik Oqartussat kommunillu akornanni suleqatigiissitamik, isumaqatigiissummik nutaamik, ”1. januar 1998 aallarnerfigalugu sanaartorfissagissaanerni suliassanik nammagassanillu agguaassinissaq nutaaq pillugu isumaqatigiissut”-mut taartissamik suliaqartussamik pilersitsisoqarpoq.

Isumaqatigiissummik nutaamik, suliassanik nammagassanillu agguaassinissamut najoqqutassamik ersarissumik naapertuuttumillu isumaqatigiissuteqarnissamut tunngavissiiinissaq suleqatigiissitap pingaarnertut siunertaraa. Taamaattumik aqqusinernut pisortaqaarfimmik pilersitsinissaq, kiisalu Namminersorlutik Oqartussat kommunillu akornanni akisussaaffinnik agguaanermik allannguisinnaaneq suliassamut tassunga ilanngunneqassasut inassutigineqarpoq.

Taamatut oqaaseqarluta Naalakkersuisuniit siunnersuummut allannguutissatut siunnersuut inassutigaarput:

“Naalakkersuisut kommunit suleqatigalugit attaveqaqatigiinneq pillugu ilisimasanik katersuivimmik, najugaqarfiit akornanni aqquserniornermut tunngasumik pilersitsinissamut peqquneqarnissaat”.